

ПРИМЉЕНО: 25. 02. 2019			
Орг. јед.	Број	Година	Вредност
	07-300/19		

PREDMET: Prijava

Dana 1. februara 2019. web portali Radio televizije Novi Pazar (RTVNP) <https://rtvnp.rs> i Sandžačkih novina (SN) <http://www.sandzacke.rs> objavili su tekst pod naslovom "Kad medijski neposmenjakovici zlonamjerno manipulisu tuđim vijestima", u kojim je prekršen Zakon u narušena moja ljudska prava.

Linkovi:

- <https://rtvnp.rs/2019/02/01/kad-medijski-nepismenjakovici-zlonamjerno-manipulisu-tudim-vijestima/46550>
- <http://www.sandzacke.rs/vijesti/sandzak/kad-medijski-nepismenjakovici-zlonamjerno-manipulisu-tudjim-vijestima/>

(Dokaz 1: Screenshot objavljenih tekstova)

Dana 7. februara obratio sam se Radio televiziji Novi Pazar – direktoru Denisu Mavriću i Sandžačkim novinama – direktoru Muhedinu Fijuljaninu (CBS PRESS, izdavač) i uredniku Nedžadu Smailagiću.

(Dokaz 2: Skeniran demantij i potvrde o pošiljci pošte)

RTVNP je primio poštu, i nepotpuno, izmijenjeno i tendenciozno objavio demantij, suprotno Zakonskim odredbama.

(Dokaz 3: Screenshot objavljenog navodnog demantija)

SN, kako direktor tako i urednik, odbili su da prime poštu, sa naznakom da „takva lica ne postoje na navedenim adresama ne postoje, iako smo iste pribavili sa portala APR-a i zvanične stranice CBS PRESS-a, koji je registriran kao izdavač Sandžačkih novina, gdje se obojica navode kao suvlasnici izdavačke kuće.

(Dokaz 4: Podaci iz APR-a / registra medija o Sandžačkim novinama, Podaci iz APR-a o CBS PRESS-u naznačenom izdavaču u registru medija, Podaci o vlasnicima izdavačke kuće CBS PRESS iz APR-a, Podaci o kontakt podacima i adresama iz APR-a, Podaci o kontakt podacima i adresama sa sajta CBS PRESS)

Ipak, iako nisu prihvatili poštu, preuzeli su sa sajta RTVNP-a objavu spornog demantija (dokaz 3) i ponovo udarili na moju čast i ugled, iznijeli neistine na moj račun.

(Dokaz 5: Dio demantija preuzet sa RTVNP-a objavljen na Sandžačkim novinama)

RTVNP-u sam se putem maila obratio sa zahtjevom za integralnu objavu Demantija.

(Dokaz 6: Ponovni zahtjev za objavu demantija)

Imajući u vidu gorenavedeno, podnosim pritužbu protiv Radio televizije Novi Pazar i Sandžačkih novina jer su prekršili Pravilnik o zaštiti ljudskih prava u oblasti pružanja medijskih usluga:

- Član 4 i 5: ISTINITOST IZVJEŠTAVANJA – Jer su izvijestili neistinito i bez ikakve argumentacije da sam vlasnik portala Sandžak press, te da sam objavio informaciju koja je predmet njihovog teksta, da sam manipulirao tuđim vijestima, da sam izbjegavao suđenja i sudske pozive i niz drugih neistina.
- Član 7 i 8: OBJEKTIVNOST I PRAVILO DRUGE STRANE – Jer me prilikom izrade i prije objavljivanja teksta nisu konsultirali za mišljenje, a nakon objavljivanja odbili da objave moj demantij u cjelosti, čak šta više iskoristili su ga da ponovo iznesu neistine i udare na moju čast i dostojanstvo. Dokaze o slanju demantija i ponovnog zahtjeva dostavljam u prilogu (Dokaz 2, 3 i 6).
- Član 8: DUGOTRAJNO I PONOVLJENO VOĐENJE KAMPANJA I HAJKI PROTIV ODREĐENIH LICA – Jer RTV NP i Sandžačke novine u više navrata i dugoročno vode hajku protiv mene, pokušavajući narušiti moj lični, profesionalni i naučni integritet i autoritet. Podsjećam da je Služba za nadzor i analizu REM-a u izvještaju od 29.06.2018. godine, broj 07-1102/18-5, a po mojoj pitužbi, već utvđivala da je RTV NP kršila Pravilnik o zaštiti ljudskih prava u oblasti pružanja medijskih usluga, član 8, stav 1 i 2, te potvrdila da je vođena hajka protiv mene bez prava na odgovor i učešće mene kao druge strane.
- Član 21: DOSTOJANSTVO LIČNOSTI – Jer su uvrijedili moju čast i dostojanstvo najgrubljim terminima «nepismenjaković, medijski nepismenjaković, manipulator i dr».
- Član 28: PRAVO NA PRIVATNOST – Jer su bez moje saglasnosti iskoristili fotografije objavljene na mom privatnom Facebook profilu, odradili fotomontažu i objavili iste kao fotomontažu.
- Član 29: PRETPOSTAVKA NEVINOSTI – Jer su me prije presude proglasili krivim za određene objave putem medija, i povezali me sa nekim medijima, iako se još uvijek vode sudski postupci po tom pitanju protiv mene pred Višim sudom u Beogradu, što je zabranjeno prije objavljivanje pravosnažne presude.

Zbog svega iznešenog, zahtijevam da izreknete adekvatne mjere protiv ovih medija.

U Novom Pazaru, 20.02.2019.

